



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Johannis Strauchi[i] Jcti Amoenitatum Juris Canonici Semestria duo**

Johannis Strauchi[i] Jcti Amoenitatum Juris Canonici Semestre alterum -  
Cum Indicibus

**Strauch, Johann**

**Jenae, 1674**

Cap. IX. Ad capitulum VII. de rest. integr.

**urn:nbn:de:hbz:466:1-10241**

## C A P. VIII.

Ad cap. V. de in integr. rest.

## S U M M A R I A.

1. Burgi, urbs Archiepiscopalis. 4. Ejus suffraganei.  
 2. A jure Metropolitano exempta. 5. Oviedense monasterium.  
 3. A Gregorio XIII. Archiepiscopalis facta. 6. Inscriptio capituli.

**S**ulscitatâ super diversis articulis inter Burgensem Episcopum & Ovienſe monasterium super libertate & statu monasterii, ſententia definitiva lata fuit à ſummo Pontifice. Contra ſententiam petita reſtitutio in integrum propter omiſſam exceptionem præſcriptionis. Burgi, hodiè Burgos, urbs Archiepiscopalis Hiſpaniæ, caput regni Caſtellæ veteris. Eò, anno 1075. ab Alphonſo VI. Rege Hiſpaniarum Eccleſia Auſceniſis translata eſt, Urbano II. Pontifice confirmante, qui eam ab omni jure metropolitano exempt, cum antea Tarraconenſi Archiepiſcopo ſubdita fuiſſet, Romanæque ſedi immediatè ſubjecit. Demum Philippo II. Rege poſtulante in archiepiſcopalem ſedem ſublimate eſt à Gregorio XIII. attributis illi ſuffraganeis duobus, Pampeleonenſi & Calegurritano. Sed acta Eccleſiæ hujus ad urbem miſſa addunt tertium, Palentinum. In hac diœceſi numerantur XIII. Eccleſiæ collegiatæ, in Metropolitana autem ſunt XLIV. Canonicatus, præter Decanatum, ut Miræus refert. Pro Ovienſi legendum puto Oviedenſe, Ovetum, Oviedo, urbs Episcopalis Hiſpaniæ, ſub Archiepiſcopo Compoſtellano. Fuit aliàs urbs caput & regia regni Ovetani, quando poſt obitum Roderici Gothorum Regis ultimi chriſtiani à Mauris expulſi & in Aſurias coacti Principem Pelagium elegerunt, qui Ovetanum regnum inſtituit. Inſcriptio autem hujus capituli ex regeſto Innocentii XIII. *epiſt. 59.* reſtituenda eſt hoc modo: *Innocentius III. capituli Zamorenſi & Legionenſi Episcopis.*

Burgi, urbs  
Archiepi-  
ſcopalis.A jure Me-  
ropolitano,  
exempta.A Gregorio  
XIII. Ar-  
chiepiſco-  
palis facta.Ejus ſuffra-  
ganei.Oviedenſe  
monaſteriũ.Inſcriptio  
capituli  
ſupplenda.

## CAP. IX.

Ad capitulum VII. de reſt. in integr.

S U M-

## S U M M A R I A.

- |                                               |                         |
|-----------------------------------------------|-------------------------|
| 1. Capitulum ex V. compilatione<br>suppletum. | 3. Inter Toletanum.     |
| 2. Controversia de Primatu.                   | 4. Et Bracarensem.      |
|                                               | 5. Decisa pro Toletano. |

Capitulum  
ex V. com-  
pilatione  
suppletum.

**C**apitulum hoc ut est in V. compilatione apponemus. Co-  
ram felicis memoriæ J. Papâ prædecessore nostro lite inter  
venerabilem fratrem nostrum Archiepiscopum Tolosa-  
num, & te, frater Archiepiscopo, super *primatiâ* solenniter  
contestatâ, fuit peremptorius terminus assignatus: & *infra*.

Verùm elapso termino constituto, post expectationem non  
modicam comparuerunt dilecti Magister scholarum, & Magister  
D. Canonici Bracarense vestras nobis literas præsentantes, quibus  
eos esse procuratores vestros in causâ prædictâ (ita quod in soli-  
dum uterque) apparebat: Sed quia, ut dicebant, non attulerant de-  
positiones testium, & alia munimenta, dilationem cum instantiâ  
postularunt. Postquam verò contra eos interlocuti fuimus super  
dilatione petitâ, tandem indulgeri Ecclesiæ Bracarensi dila-  
tionem, propter instructionem causæ per auxilium restitutionis  
in integrum postularunt, exhibentes super hoc ex parte nostrâ spe-  
ciale mandatum. Nos autem de fratris nostri consilio usque ad  
octavas Pentecostes proximè futuras post restitutionis beneficium  
id vobis duximus indulgendum.

Controver-  
sia de Pri-  
matu.

*Super Primatiâ* ait textus. Ita enim legendum. Perperam  
quædam vulgaria, *primariâ*. Controversia Primatus Toletani &  
Bracarenſis fusè legi potest apud Marianam *lib. 5. c. 19. hist. Hisp.*  
Unde licet conjicere, hanc controversiam inter Rodericum Seme-  
num, Toletanum Præsulem & Archiepiscopum Bracarensem, qui  
jugum Toletani excussum ibat, terminatam fuisse in favorem To-  
letani. De primatu Toletani ex concilio Tolerano XII. *can. VI. anno 681.* con-  
stat. Sic ab Urbano II. Tolerano primatum delatum fuisse habetur apud  
Platinam *anno 1088.* Sed his tamen hæc ad Innocentium III. usque pervenit,  
*Epist. 5. lib. 13.* in quâ Primatem Hispaniarum confirmat: Sed & ad Hono-  
rium, ut ex hoc capitulo, nec non ex *cap. III. de dilat. in compilatione V.* liquet.

Decisa pro  
Toletano.

Imò iterum decisa fuit pro Toletanâ fede à Martino V. ut habet Mariana  
*lib. 6. c. 20.* Qui Johannem Cortrerium Archiepiscopum Tole-  
tanum altius evexisse Primatis titulum refert.

